

十八宏传略

十八宏者，祖进峰、进鸿、进頫，三公之子也。其初茶之上塘籍，厥后丁繁分居各处，别为十八户，时称十八谭。以子孙云初，遍及江南半其后嗣也。一本堂曰：予游茶，拜大祠其两庑又分十八小分。以予所闻，世家巨族，其初荣显赫奕，而后益盛是遵何道哉。吾谭十八宏当其居太平园时为茶巨户。家资累百万，亲属奴婢五百余名。后晋天福六年辛丑（公元九四一年）虽家罹疫疾，丧失亲属二十八口，奴婢六十余名。而产业茶陵、湘潭、湘阴、攸县、竹园山、黄花庄、常宁、楠木山等处。约纳税钱二千五百贯，庄田一千四百户。孔子谓公子荆善居室，斯其为富有乎？历稽旧谱，祖或成进士，或官中书舍人，或授门下平章，或仕致右拾遗左，仅仆富且贵焉。语云天道无亲常与善人其谓是欤？乾佑元年戊申（公元九四八年）以后率子若孙，由太平园分居二十余处。宏俭行一郎居罗家源，宏赛行二郎居罗家冲，宏仁行三郎居尧水南岸，宏福行四郎居樟塘，宏亮行十一郎居茶乡白家冲，宏秀行十三郎居湘潭白家冲，后徙湘潭，宏智行十五郎原居袁乡再徙西乡莲塘，后迁衡阳清化五都，宏政行十六郎原居尧水，后徙酃县，宏韬行十七郎居尧水焦坑，此九公系峰祖子也。宏义行五郎居尧水神山岭，后居周陂，宏德行六郎居袁乡甘棠，宏崇行八郎居袁乡大亨，宏广行九郎原居尧水太平园徙火田鼓角石，此四公系鸿祖子也。宏肇行七郎居神仙岭，宏益行十郎居尧水太平园，宏妙行十二郎居洲诚下市街，宏伸行十四郎居大傅毗。

塘，宏佐行十八郎居衷乡洮水，此五公系颇祖子也。莫为之前虽美弗彰，莫为之后虽盛弗传。今世历数百年，枝分数千派，名臣显宦代不乏人，奇士硕儒志不绝书，亦极其盛矣。此所谓善人非耶，惜时际乱离，文字残缺，行谊无所考据，把笔不无遗憾。然观子孙之繁昌，可想吾祖之培植，震于富贵声华不亦宜乎。一本堂曰：水有源也，其流万派。木一本也，其枝千条。人之祖也，而派别枝分啻千万。不有以联络之，将代远年湮，几莫辩其所自来，世系之图，所以联服限以五。而图不以五，限族终于九。而图不以九，终自一世而下推而极之。任千枝万派皆联络一图，此一本万株，万株一本之意也。合族之道于斯为著。

湘乡谭氏宏妙公（塘湾世系）首修通谱编辑部 世连 收集整理
摘自《湖南茶陵谭氏十八宏首修通谱》